

VENDIM
Nr.313, datë 21.5.2004

PËR MIRATIMIN E TARIFAVE TË PËRDORIMIT TË UJIT

Në mbështetje të nenit 100 të Kushtetutës dhe të neneve 57, 58 dhe 72 të ligjit nr.8093, datë 21.3.1996 “Për rezervat ujore”, me propozimin e Ministrit të Rregullimit të Territorit dhe të Turizmit, Këshilli i Ministrave

VENDOSI:

1. Miratimin e tarifave të përdorimit të ujit, për të drejtën e dhënies së lejes apo koncensionit, sipas tabelës, që i bashkëlidhet këtij vendimi.

2. Të ardhurat e realizuara nga tarifat e përdorimit të ujit, që mblidhen nga autoritetet përkatëse, të derdhen në llogarinë e Ministrisë së Rregullimit të Territorit dhe të Turizmit e të planifikohen në buxhetin vjetor të shtetit miratuar për këtë ministri. Këto të ardhura të përdoren vetëm për shfrytëzimin e rezervave ujore.

3. Ngarkohen Ministri i Rregullimit të Territorit dhe i Turizmit dhe Ministri i Financave për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTRI
Fatos Nano

TARIFAT E PËRDORIMIT TË UJIT

PËRDORIMET	PËRDORUESIT	E DREJTA E DHËNIES	TARIFA		
			Njësia	Përdorim (Lek / Njësi)	
				Ujë sipërfaqësor	Ujë nëntokësor
Nevoja Shtëpiake	Private (Ujë nëntokësor që nxirret me pompa për pirje dhe nevoja të tjera)	Leje	M3	-	28
Qëllimi publik	Ndërmarjet e ujësjellësit - Prodhim deri 10 milion m3/vit	Koncension	M3		0.8
	Ndërmarjet e ujësjellësit - Prodhim deri 20 milion m3/vit	Koncension	M3		0.5
	Ndërmarjet e ujësjellësit - Prodhim mbi 20 milion m3/vit	Koncension	M3	0.2	0.3
	Ujësjellës fshati	Koncension	M3		0.2
Përdorime Industriale dhe Tregëtare	Ndërmarje paketimi (Ujë natyral)	Koncension	M3		120
	Ndërmarje paketimi (Ujë mineral)	Koncension	M3		160
	Organizma tregëtare (lokal, lavazh, përpunim mermeri, etj) Burim	Leje	M3		120
	Prodhim pije alkolike dhe joalkolike	Leje	M3		150
	Ujë për proces teknologjik	Leje	M3	50	80